



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Physical Planning Construction and  
Environmental Protection

Broj: 05-19-32187/20  
Sarajevo, 14.10.2020.godina

**SKUPŠTINA KANTONA**  
N/r gosp. **Mirza Čelik, Predsjedavajući**  
**OVDJE**

**Predmet:** Odgovor na zastupničko pitanje Igora Stojanovića – dostavlja se

Ministarstvu prostornog uređenja, građenja i zaštite okoliša dostavili ste zastupničko pitanje zastupnika Igora Stojanovića postavljeno na 28. Radnoj sjednici Skupštine Kantona Sarajevo, održanoj dana 20.08.2020.godine, u okviru tačke Dnevnog reda „Poslanička/zastupnička pitanja, inicijative i odgovori“ koje glasi:

„Kako je moguće da se realizacija projekta na rekonstrukciji bazena na Fakultetu sporta i tjelesnog odgoja (FASTO) radi suprotno u odnosu sa projektnom dokumentacijom za koju je Opština Centra izdala odobrenje za građenje 2005.godine pod brojem 07-23-2254/05.

Sredstva za realizaciju tog projekta u iznosu od 1.7000.000 KM trebalo je da osigura Ministarstvo obrazovanja, nauke i mladih Kantona Sarajevo, a stručni nadzor nad izvođenjem radova je vršio i vrši Zavod za izgradnju KS. Ako se bazen ne gradi u skladu sa projektnom dokumentacijom, da li je Vlada KS doznačila predviđeni iznos novca i ako jeste, zašto?“

S tim u vezi ističemo slijedeće:

Ministarstvo je predmetnu inicijativu tretiralo u okviru svoje nadležnosti u smislu primjene odredbi Zakona o prostornom uređenju Kantona Sarajevo.

Zakonom o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) utvrđeni su preduslovi za odobravanje promjena u prostoru, nadležni organi za odobravanje traženih radova, učesnici u projektovanju i građenju, kao i inspekcijski nadzor.

Prema odredbama člana 48. stav (1) Zakona organ nadležan za odobravanje radova rekonstrukcije bazena na Fakultetu sporta i tjelesnog odgoja je Općinski načelnik Općine Centar Sarajevo.

Odredbama člana 106. Zakona propisano je da su učesnici u projektovanju i građenju građevine: investitor, projektant, kontrolor, revident, izvođač radova i stručni nadzorni organ. Odnosi između investitora i drugih učesnika uređuju se ugovorima.

Sva navedena lica učestvuju u rješavanju svih pitanja koja se odnose na projektnu dokumentaciju kao i samo praćenje izgradnje građevine.



Odredbama člana 144. Zakona propisan je inspekcijski nadzor u smislu odredbi ovog zakona. On podrazumjeva, između ostalog, kontrolu nad radom učesnika u građenju, radom organa uprave, izvođenjem radova, a posebno bespravnom izgradnjom. U konkretnom slučaju nadležan za vršenje inspekcijskog nadzora je općinski urbanističko-građevinski inspektor.

Ministarstvo prostornog uređenja, građenja i zaštite okoliša nije bilo ni na koji način uključeno u postupak odobravanja građenja, niti u realizaciju predmetnih radova.

S tim u vezi Ministarstvo ne raspolaže traženim podacima da li se radovi izvode u skladu sa projektnom dokumentacijom, te da li je Vlada Kantona Sarajevo doznačila navedena sredstva.

S poštovanjem,

MINISTAR

Dostaviti:

- Naslovu
- Vlada KS
- a/a

Faruk Kapidžić, dipl.ing.arh.



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

